

Broj: 07-04-4-588-1/24
Sarajevo, 13.01.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI / ZASTUPNIČKI DOM
Hamdije Kreševljakovića br.3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:			
Org. jed.	Broj	Priloga	V.
05/1	02-	662	24

Zastupnik: Sanel Kajan

PREDMET: Odgovor na zastupničko pitanje, *dostavlja se-*
Veza: Vaš akt broj: 05/1-02-662/24 od 17.12.2024.godine

Na osnovu vašeg akta, oznake i datuma veze, dostavljamo vam odgovor na pitanje zastupnika Kajan Sanela koje je postavio na 15. redovnoj sjednici Zastupničkog doma Parlamenta Federacije BiH, vezano za sredstva posebne naknade za zaštitu od prirodnih i drugih nesreća koju plaćaju sva fizička i pravna lica i državni organi svih nivoa vlasti u Federaciji BiH.

Sredstva posebne naknade prikupljaju se u skladu sa Upustvom o načinu obračunavanja i uplate posebne naknade za zaštitu od prirodnih i drugih nesreća ("Službene novine Federacije BiH", br. 81/08).

Odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljem tekstu: Zakon o zaštiti i spašavanju) određen je način raspodjele ovih prihoda između Federacije BiH, kantona i općina. Federaciji pripada 15%, 25% kantonima i 60 % općinama.

Nadalje, Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20) utvrđeni su uslovi i način korištenja sredstava ostvarenih po osnovu posebne naknade za zaštitu od prirodnih i drugih nesreća. Korištenje sredstava posebne naknade vrši se na osnovu godišnjeg plana korištenja sredstava posebne naknade Federacije BiH, kantona i općine/grada, koji se donosi u skladu sa Zakonom o zaštiti i spašavanju.

Sredstva koja pripadaju Federaciji BiH koriste se isključivo za namjene utvrđene u članu 182 tačka 2 do 7 Zakona o zaštiti i spašavanju, odnosno za:

- 2) pripremanje, opremanje, finansiranje i obuku Federalnog štaba, službi zaštite i spašavanja, operativnog centra, centra za obuku i specijaliziranih jedinica civilne zaštite koje formira Federacija i troškove njihovog učešća u provođenju mjera zaštite i spašavanja po naredbi Federalnog štaba;

- 3) pružanje materijalne pomoći službama zaštite i spašavanja, a naročito za nabavku specifične opreme i obuku njenih članova za upotrebu te opreme;
- 4) pružanje materijalne pomoći kantonima i općinama za uklanjanje posljedica koje su nastale od prirodnih i drugih nesreća, sprečavanja nastajanja daljnjih šteta i osiguranja osnovnih uslova za život ljudi na ugroženom području;
- 5) istraživačke i razvojne projekte od značaja za organiziranje i provođenje zaštite i spašavanja od prirodnih i drugih nesreća;
- 6) prema potrebi, pružanje finansijske podrške kantonima i općinama za opremanje i obuku službi zaštite i spašavanja i jedinica civilne zaštite opremanje operativnih centara i udruživanje sredstava posebne naknade sa općinama i kantonima u zajedničkim projektima razvoja sistema zaštite i spašavanja, te istraživačkih i razvojnih projekata od značaja za organizaciju i provođenje zaštite i spašavanja od prirodnih i drugih nesreća;
- 7) obučavanje kantonalnih štabova civilne zaštite

Neutrošena sredstva se ne gase istekom kalendarske godine, već se ista kamuliraju na podračunu koji je otvoren u okviru jedinstvenog računa trezora. Temeljem Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća određena je obaveza podnošenje posebnog izvještaja Vladi Federacije Bosne i Hercegovine o prikupljanju, raspodjeli i korištenju sredstava posebne naknade za zaštitu od prirodnih i drugih nesreća. Federalna uprava civilne zaštite kontinuirano podnosi predmetni izvještaj.

Obzirom da u vašem aktu nije naveden period za koji se traži utrošak ovih sredstava, a posebno uvažavajući činjenicu da se neutrošena sredstva kamuliraju na podračunu, pregled za period 01.01. – 30.09.2024. godine je sljedeći: kumulativni prihodi 2024 godine iznose 20.134.603 KM, izvršenje zaključno sa 30.09.2024 godine iznosi 88.688 KM (putni troškovi, izdaci za tekuće održavanje, ugovorene i druge posebne usluge, tekući transferi drugim nivoima vlasti). Imajući u vidu da se fiskalna godina okončava s mjesecom januarom, te nakon evidentiranja i knjiženja troškova tekućeg perioda bićemo u mogućnosti dostaviti stanje sredstava evidentiranih na podračunu na dan 31.12.2024. godine.

S poštovanjem,

**PRIVREMENO POSTAVLJENI
DIREKTOR**

Aldin Brašnjic
Aldin Brašnjic